



CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

CONVOCATORIA DE SUBVENCIÓNS PARA INVESTIMENTOS NA ÁREA SOCIOCULTURAL POR PARTE DE ENTIDADES E ASOCIACIÓNS DE ÁMBITO MUNICIPAL EXERCICIO 2018

Base 1. Obxecto

A finalidade desta convocatoria é apoiar a dinamización sociocultural promovida por entidades e asociacións rexistradas no Concello de Cedeira. Máis concretamente, os fondos adxudicados están destinados a financiar gastos en investimentos.

Considéranse investimentos os bens inventariables cun custo unitario superior a 100 euros. O obxecto do investimento deberase manter no inventario da entidade ou asociación beneficiaria durante un período mínimo de dous anos, contados desde o momento da súa adquisición.

Base 2. Beneficiarios

Poderán participar nesta convocatoria as entidades e asociacións con personalidade xurídica propia, sen ánimo de lucro e que desenvolvan actividades vinculadas á área sociocultural.

2.1. Requisitos

- Estar inscritas no rexistro municipal de entidades cidadás do Concello de Cedeira.
- Ter os estatutos adaptados á Lei orgánica 1/2002, do 22 de marzo, reguladora do dereito de asociación.
- Non contravir o regulado na Lei 38/2003, do 17 de novembro, xeral de subvencións e na Lei 9/2007, do 13 de xuño, de subvencións de Galicia.
- Se é o caso, ter debidamente xustificadas as subvencións concedidas polo Concello de Cedeira en anos anteriores.
- Non ter obrigas tributarias pendentes co Concello de Cedeira, a Administración da Facenda ou a Seguridade Social.
- Cumprir todo o estipulado nesta convocatoria.

3. Solicitude

3.1. Forma, lugar e prazo para a presentación de solicitudes

O prazo de presentación de solicitudes será de 15 días hábiles contados desde o día seguinte á publicación da convocatoria no Boletín Oficial da Provincia, a través da Base Nacional de Datos de Subvencións.

As instancias presentaranse na sede electrónica do Concello de Cedeira (<https://sede.cedeira.es>), de acordo co establecido nos artigos 14 e 16 da Lei 39/2015, do 1 de outubro, do procedemento administrativo común das administracións públicas.

As instancias poden incluír varios investimentos, pero só se admitirá unha solicitude por entidade ou asociación.

3.2. Documentación requirida

- Instancia, segundo o modelo oficial (anexo I), asinada pola persoa que ocupe a presidencia da entidade ou asociación ou un cargo equivalente.
- Declaración responsable, segundo o modelo oficial (anexo II), asinada pola persoa que ocupe a presidencia da entidade ou asociación ou un cargo equivalente.
- Declaración responsable da persoa asinante da solicitude na que indique se solicitou doutro organismo algunha subvención para gasto en investimentos, a contía e se foron concedidas ou están pendentes de resolución.
- Xustificación da necesidade do gasto en investimento. Debe incluír os seguintes puntos:
 - Obxectivos.
 - Especificación do financiamento propio.
 - Orzamento detallado.
- Fotocopia do DNI/NIE da persoa solicitante.



CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

- Fotocopia do CIF da entidade ou asociación.

Base 4. Criterios de avaliación

1. Financiamento propio respecto do gasto total: ata 20 puntos.

Porcentaxe da contribución propia	Puntos
Entre o 10% e o 20%	10
Entre o 20% e o 30%	15
Máis do 30%	20

2. Compromiso de colaboración coas actividades e eventos que desenvolva o Concello: 5 puntos.

3. Fomento da paridade: máximo 20 puntos.

Porcentaxe de mulleres na entidade ou asociación	Puntos
Entre o 10% e o 20%	5
Entre o 20% e o 30%	10
Entre o 30% e o 40%	15
Máis do 40%	20

4. Compromiso co emprego da lingua galega no programa ou actividade obxecto de subvención, así como na súa difusión pública: 10 puntos.

5. Rexistro na rede galega de museos: 10 puntos.

6. Investimentos para a realización de actividades dirixidas só a persoas con discapacidade: 10 puntos.

7. Investimentos para local que non sexa propiedade municipal: 10 puntos.

8. Desenvolvemento de actividades socioculturais nas parroquias de ámbito rural: 10 puntos.

9. Número de persoas asociadas: ata 20 puntos.

Integrantes da asociación	Puntos
Menos de 10	5
Entre 11 e 20	10
Entre 21 e 30	15
Máis de 31	20

10. Actuacións, exposicións, cursos, actividades, excursións e publicacións ao longo do ano: ata 20 puntos.

Número de actividades	Puntos
Entre 1 e 5	10
Máis de 5	20

11. Antigüidade da asociación (segundo a data de constitución): máximo 15 puntos.

Antigüidade	Puntos
Ata 2 anos	5



CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

Entre 3 e 5 anos	10
Máis de 5 anos	15

Base 5. Importe

O orzamento total da convocatoria é de 6.000 euros, con cargo á partida 334.789.00 do orzamento municipal de 2018. A contía máxima da subvención para cada entidade beneficiaria será de 600 euros. O importe da subvención non poderá superar o 80% do orzamento de execución para o investimento.

O importe da subvención que se conceda a cada entidade ou asociación será o resultado de aplicar o seguinte reparto:

Valoración	Porcentaxe gasto	MÁXIMO
Entre 20 e 30 puntos	60% do gasto previsto ou executado	600,00 €
Entre 31 e 40 puntos	70% do gasto previsto ou executado	600,00 €
Máis de 40 puntos	80% do gasto previsto ou executado	600,00 €

Para obter a subvención deberá acadarse un mínimo de 20 puntos entre os criterios de avaliación do punto anterior.

Entre as solicitudes que superen o umbral anterior, distribuirase proporcionalmente o total da subvención en función da totalidade dos puntos obtidos polos devanditos participantes, tendo en conta os límites da presente base.

Base 6. Réxime de compatibilidade

As subvencións concedidas serán compatibles con outras subvencións, axudas ou ingresos procedentes de calquera outra administración e que teñan a mesma finalidade, sempre que a totalidade das axudas non supere o custo dos investimentos.

As entidades ou asociacións que reciban subvención están obrigadas a facilitar os datos que lles sexan solicitados polo Concello.

As entidades ou asociacións que teñan un convenio co Concello ou unha subvención nominativa do mesmo, así como as comisións de festas e as entidades, clubs ou asociacións deportivas non poderán participar nesta convocatoria.

Base 7. Órganos competentes para a instrución e resolución do procedemento

Nomearase unha Comisión de Valoración que impulsará de oficio a realización de cantas actuacións sexan necesarias para a determinación, coñecemento e comprobación dos datos en virtude dos que se formulará a proposta de resolución.

As solicitudes serán obxecto dunha avaliación en que se verificará o cumprimento das condicións para adquirir a condición de beneficiario da subvención.

A Xunta de Goberno Local acordará a concesión ou denegación das subvencións a proposta da Comisión de Valoración e previo informe de fiscalización pola Intervención municipal.

A Comisión de Valoración estará composta pola titular da Concellería de Cultura, pola AEDL e por un representante dos Servizos Económicos municipais.

Contra o acordo que adopte a Comisión de Valoración cabe interpoñer recurso de reposición no prazo dun mes ante a Xunta de Goberno Local, ou pode ser impugnado directamente ante a orde xurisdiccional contencioso-administrativa no prazo de dous meses a partir do día seguinte á recepción da notificación da resolución.

Base 8. Prazos de execución e xustificación da subvención

A data límite para executar e xustificar a subvención outorgada será o 30 de novembro de 2018.

A xustificación realizarase mediante a presentación, a través da sede electrónica do Concello (<https://sede.cedeira.es>), da documentación que se sinala a continuación:



CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

- Relación dos gastos subvencionados (modelo anexo III).
- Facturas orixinais ou copias compulsadas, que deberán cumprir os seguintes requisitos:
 - Os conceptos expresados nos xustificantes de gasto deberán ser obrigatoriamente os que foron motivo de subvención.
 - A forma e o contido deberán respectar a normativa vixente.
 - A entidade beneficiaria deberá figurar como destinataria da factura.
- Xustificantes bancarios do pagamento das facturas. Só se admitirán pagamentos en efectivo cando o importe da factura sexa inferior a 100,00 euros e sen que poida ser obxecto de fraccionamento.
- Certificado da conta bancaria en que se aboará a subvención.

Unha vez xustificada correctamente a subvención concedida, será aprobada pola Xunta de Goberno Local e procederase ao seu pagamento.

O pagamento da subvención farase mediante transferencia á conta bancaria indicada.

O importe que se aboará será a porcentaxe de subvención atribuída segundo a puntuación acadada e aplicada ao importe correctamente xustificado, que se deberá corresponder cos conceptos recollidos na solicitude inicial. Unicamente se admitirán incrementos nos conceptos iniciais que non superen o 50% do importe inicial.

Base 9. Control

O Concello de Cedeira resérvase o dereito de realizar un seguimento das actividades subvencionadas, podendo esixir á entidade ou asociación unha explicación detallada e documentada dos gastos. Tamén poderá anular calquera subvención concedida cando, ao seu xuízo, exista incumprimento do estipulado nesta convocatoria.

Base 10. Regulación supletoria

En todo o non previsto nas presentes bases, a concesión destas subvencións regularase polo disposto na Lei 38/2003, xeral de subvencións, o RD 887/2006, polo que se aproba o regulamento da mesma, a Lei 9/2007, de subvencións de Galicia e as Bases de execución do orzamento do Concello de Cedeira.

As bases desta convocatoria entrarán en vigor coa súa publicación no Boletín Oficial da Provincia.

ANEXO I

SOLICITUDE DE SUBVENCIÓN PARA INVESTIMENTOS NA ÁREA SOCIOCULTURAL POR PARTE DE ENTIDADES E ASOCIACIÓNS DE ÁMBITO MUNICIPAL

1. DATOS DA PERSOA SOLICITANTE

Nome e apelidos:

DNI/NIE:

Data de nacemento:

Enderezo postal:

Teléfono:

Enderezo electrónico:

Asociación ou entidade á que representa:

Enderezo postal para notificacións:

2. Outras subvencións solicitadas para o mesmo fin (indique concepto e importe solicitado).

3. DOCUMENTACIÓN QUE SE ACHEGA

- Fotocopia do DNI/NIE da persoa solicitante.



CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

- Fotocopia do CIF da entidade ou asociación.
- Proxecto do programa ou actividade que se vai realizar.
- Declaración responsable de non ter obrigas tributarias pendentes.
- Declaración responsable de non contravir a Lei 38/2003 xeral de subvencións nin a Lei 9/2007 de subvencións de Galicia.
- Certificado de conta bancaria.

Lugar e data:

SINATURA

ANEXO II

DECLARACIÓN RESPONSABLE EN RELACIÓN COA CONVOCATORIA DE SUBVENCIONES PARA INVERSIONES EN EL ÁREA SOCIOCULTURAL POR PARTE DE ENTIDADES E ASOCIACIONES DE ÁMBITO MUNICIPAL

Nome e apelidos:

DNI/NIE:

Enderezo para notificacións:

1. DECLARO RESPONSABLEMENTE que todos os datos que constan na solicitude e nos documentos que se achegan son certos.
2. DECLARO RESPONSABLEMENTE que a entidade ou asociación á que represento non incorre en ningunha das prohibicións para obter a condición de beneficiaria da subvención, nomeadamente, nas establecidas nos apartados 2 e 3 do artigo 13 da Lei 38/2003, xeral de subvencións e nos apartados 2 e 3 do artigo 10 da Lei 9/2007, de subvencións de Galicia.
3. DECLARO RESPONSABLEMENTE que a entidade ou asociación á que represento reúne as condicións para ser beneficiaria da subvención de acordo co previsto na base segunda desta convocatoria.
4. DECLARO RESPONSABLEMENTE que a entidade ou asociación á que represento non ten obrigas tributarias pendentes co Concello de Cedeira, coa Administración da Facenda nin coa Seguridade Social.
5. ACEPTO as actuacións de comprobación e seguimento que poida levar a cabo o Concello.
6. AUTORIZO, para os efectos da Lei orgánica 15/1999, de protección de datos de carácter persoal, ao Concello de Cedeira a incorporar estes datos, ou aqueloutros dos que tiver coñecemento como consecuencia da relación iniciada, a un ficheiro automatizado que ten por finalidade dar cumprimento ás funcións que se deben realizar dentro do proceso de trámite, xestión, concesión e pagamento encomendados pola Lei 38/2003, xeral de subvencións, así como para a xestión doutros servizos ou programas de iniciativa municipal do seu posible interese.
7. MANIFESTO o meu coñecemento de que os datos proporcionados poden resultar obrigatorios para a xestión do expediente e que a unidade tramitadora, en tanto non se comunique o contrario, entenderá que son exactos e actuais.
8. COMPROMÉTOME a comunicar ao Concello de Cedeira, no menor prazo de tempo posible, calquera variación dos datos proporcionados co fin de proceder á súa actualización.



CONCELLO DE CEDEIRA (A CORUÑA)

Teléfono: 981 48 00 00 - Fax: 981 48 25 06

C.I.F.: P-1502200-G

9. COÑEZO as responsabilidades legais que se poden derivar de incorrer en falsidade en documentos administrativos e, en particular, a esixencia do reintegro da subvención, mais os intereses de demora correspondentes, sen prexuízo da tramitación do correspondente expediente.

Lugar e data:

SINATURA

ANEXO III

RELACIÓN DE GASTOS SUBVENCIONABLES PARA INVESTIMENTOS NA ÁREA SOCIOCULTURAL POR PARTE DE ENTIDADES E ASOCIACIÓNS DE ÁMBITO MUNICIPAL

Nome e apelidos:

DNI/NIE:

Enderezo postal:

Teléfono:

Enderezo electrónico:

Asociación ou entidade á que representa:

Enderezo postal para notificacións:

DECLARO RESPONSABLEMENTE que os gastos efectuados por esta entidade ou asociación, que serven de xustificación para a subvención concedida polo Concello de Cedeira, son os seguintes:

DATA	Nº FACTURA	PROVEDOR	CIF	CONCEPTO	IMPORTE

Lugar e data:

SINATURA